

Broj: 105-12470/21 DŽS  
Zenica, 30.09.2021. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-12468-1/21DŽS od 30.09.2021. godine, a u skladu sa članom 26. i 27. Statuta Javnog preduzeća «Vodovod i kanalizacija», VD direktora Javnog preduzeća «Vodovod i kanalizacija» d.o.o. Zenica donosi

### **ODLUKU** **o izboru najpovoljnijeg ponuđača**

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-12468/21 DŽS od 30.09.2021. godine u postupku dodjele okvirnog sporazuma za nabavku rezervnih dijelova sa priborom - podijeljen na lotove, LOT 9 – nabavka visokotlačnih crijeva za čišćenje kanalizacije i vatrogasnih hidrantskih crijeva za vodu i prihvata se preporuka Komisije za nabavke da se okvirni sporazum zaključi sa ponuđačem:

#### **HANSA-FLEX d.o.o. Mostar, Podružnica Zenica**

kao najbolje ocijenjenom ponuđaču, prema ponudi protokoliranoj pod brojem: 501-12053/21 od 22.09.2021. godine, za ponuđenu cijenu od 2.284,60 KM, bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču HANSA-FLEX d.o.o. Mostar, Podružnica Zenica, u skladu sa članom 98. Zakona o javnim nabavkama.

III

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 105-11210/21 HK od 06.09.2021.godine. Javna nabavka je provedena putem konkurentskog zahtjeva sa zaključivanjem okvirnog sporazuma na period od 12 mjeseci. Procijenjena vrijednost javne nabavke bez uračunatog PDV-a je 4.400,00 KM.

Dana 07.09.2021.godine na Portalu javnih nabavki, istovremeno sa objavljivanjem Obavještenja o nabavci broj: 439-7-1-418-3-84/21 objavljena je i tenderska dokumentacija.

Poziv za preuzimanje tenderske dokumentacije upućen je sljedećim ponuđačima:

1. BMM d.o.o. Zenica
2. CENTRAL-M d.o.o. Zenica
3. HANSAFLEX d.o.o.
4. JASMIN M d.o.o.
5. Sicon SAS d.o.o. Tuzla
6. UNION-COMERC-CO d.o.o. Zenica
7. ZULEX d.o.o. Sarajevo

U prilogu Izvještaja o radu Komisije dostavlja se Izvještaj o preuzimanju tenderske dokumentacije od strane ponuđača preuzet sa portala javnih nabavki dana 29.09.2021. godine u 13:31 sati.

Rok za dostavljanje ponuda je bio 22.09.2021. godine do 13:00 sati.

U prethodno navedenom roku, na protokolu Javnog preduzeća „Vodovod i kanalizacija“ d.o.o. Zenica zaprimljena je jedna ponuda u zatvorenoj kovrti, i to:

1. HANSA-FLEX d.o.o. Mostar, Podružnica Zenica

Komisija za nabavku imenovana je Odlukom broj: 105-4232/21 BS od 30.03.2021.godine, kao i Odlukom o izmjeni Odluke o imenovanju komisije za javne nabavke, broj: 105-4232-1/21 ŠS od 31.08.2021. godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna),
- da je blagovremeno zaprimljena 1 (jedna) ponuda,
- da nema neblagovremeno zaprimljenih ponuda,
- ukupno 15 (petnaest) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 30.09.2021. godine VD direktora preduzeća dostavila Zapisnik o ocjeni ponuda broj: 501-12468/21 DžS od 30.09.2021. godine sa preporukom o izboru najpovoljnijeg ponuđača za nabavku visokotlačnih crijeva za čišćenje kanalizacije i vatrogasnih hidrantskih crijeva za vodu.

Uvidom u priloženu dokumentaciju konkurentskog zahtjeva broj: 406-11209-1/20 HK od 06.09.2021. godine – Nabavka rezervnih dijelova sa priborom, LOT 9 – nabavka visokotlačnih crijeva za čišćenje kanalizacije i vatrogasnih hidrantskih crijeva za vodu, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena ponude neprirodno niska.

Ponuđač je dostavio formalno – pravno ispravnu i tehnički prihvatljivu ponudu, koja kao takva može biti predmet ocjenjivanja.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. HANSA - FLEX d.o.o. Mostar, Podružnica Zenica, sa ukupnom cijenom ponude u iznosu od 2.284,60 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku visokotlačnih crijeva za čišćenje kanalizacije i vatrogasnih hidrantskih crijeva za vodu dao ponuđač HANSA - FLEX d.o.o. Mostar, Podružnica Zenica, jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

U postupku ocjene provedenog postupka VD direktora preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema Odluke.



VD Direktora:

*Emir Kovač*  
Kovač Emir, dipl.ecc.

#### **DOSTAVLJENO:**

- 1 x VD Direktora preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a